



# SLUŽBENE NOVINE OPĆINE KAKANJ

IZDAVAČ:  
Općina Kakanj  
GODINA XXI

Broj 12/17  
Datum: 29.09.2017.  
Akti: 170 – 183.

GRAFIČKA PRIPREMA I ŠTAMPA:  
STRUČNA SLUŽBA ZA POSLOVE  
OPĆINSKOG VIJEĆA

170.  
**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ  
Općinsko vijeće  
Broj: 01/1-11-363/17  
Kakanj, 27.09.2017. godine**

Općinsko vijeće je na 11. sjednici održanoj dana 27.09.2017. godine, rješavajući po prijedlogu Općinskog načelnika, broj: 02/1-5724/17 od 25.09.2017. godine, za utvrđivanje javnog interesa, a na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16) i člana 24. Statuta Općine Kakanj („Službene novine Općine Kakanj“, broj: 4/08), donijelo

## O D L U K U

**1. UTVRĐUJE SE** javni interes u svrhu prelaska cjevovoda preko rijeke Bosne u okviru projekta „Rekonstrukcija vodovoda Lučani“ MZ Bilješevo-II faza, po prijedlogu Općinskog načelnika, te se može pristupiti nepotpunoj eksproprijaciji-ustanovljenju prava služnosti na slijedećoj nekretnini:

- k. č. br. 1924/1 livada II kl. „Kuta“ u površini 2.456 m<sup>2</sup>, k.o. Bilješevo, upisana u posjedovni list broj 343, u posjedu Jefić Dobre sina Branka iz Smedereva, Jefić Mirka sina Branka iz Prijedora, Jefić rođ. Marić Milke kći Nikole iz Brčkog, Lukić rođ. Jefić Milene kći Branka iz Prijedora i Stevanović rođ. Jefić Milke kći Branka iz Bijeljine, sa dijelom od po 1/5, koja odgovara parceli starog premjera k.č.br. 663/2, upisana u z.k.ul.br. 11 SP\_Bilješevo, zemljišnoknjižno vlasništvo Jefić Dobre sina Branka iz Smedereva, sa dijelom od 5/240 i drugih.

**2.** U postupku eksproprijacije će se utvrditi površina trase služnosti na parceli, označenoj u tački 1. Ove Odluke, prema urađenom projektu.

**3.** Utvrđuje se da je Općina Kakanj korisnik nepotpune eksproprijacije za prelazak cjevovoda preko rijeke Bosne u okviru projekta „Rekonstrukcija vodovoda Lučani“ MZ Bilješevo-II faza.

**4.** Protiv ove Odluke može se pokrenuti upravni spor kod Kantonalnog suda u Zenici, u roku od 30 dana od dana dostavljanja iste. Tužba se podnosi neposredno Sudu u dva istovjetna primjerka, uz koju treba priložiti i kopiju ove Odluke.

**PREDSJEDAJUĆI  
OPĆINSKOG VIJEĆA**  
Slaven Katičić, sr.

171.  
**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ  
Općinsko vijeće  
Broj: 01/1-11-360/17  
Kakanj, 27.09.2017. godine**

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća Kakanj („Službene novine Općine Kakanj“, broj: 6/11, 4/16 i 6/16), Općinsko vijeće na 11. sjednici održanoj 27.09.2017. godine, donijelo je

## O D L U K U o usvajanju Izvještaja o izvršenju Budžeta Općine Kakanj za period 01.01.- 30.06.2017. godine

### Član 1.

Usvaja se Izvještaj o izvršenju Budžeta Općine Kakanj za period 01.01.- 30.06.2017. godine.

### Član 2.

Sastavni dio ove Odluke je Izvještaj o izvršenju Budžeta Općine Kakanj za period 01.01.- 30.06.2017. godine.

**Član 3.**

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

**172.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ  
Općinsko vijeće  
Broj: 01/1-11-361/17  
Kakanj, 27.09.2017. godine**

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća Kakanj („Službene novine Općine Kakanj“, broj: 6/11, 4/16 i 6/16), Općinsko vijeće na 11. sjednici održanoj 27.09.2017. godine, donijelo je

**O D L U K U**

**o usvajanju Izvještaja o izvršenju tekuće  
budžetske rezerve Budžeta Općine Kakanj za  
period 01.01.-30.06.2017. godine**

**Član 1.**

Usvaja se Izvještaj o izvršenju tekuće budžetske rezerve Budžeta Općine Kakanj za period 01.01.-30.06.2017. godine.

**Član 2.**

Sastavni dio ove Odluke je Izvještaj o izvršenju tekuće budžetske rezerve Budžeta Općine Kakanj za period 01.01.-30.06.2017. godine.

**Član 3.**

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

**173.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ  
Općinsko vijeće  
Broj: 01/1-11-364/17.  
Kakanj, 27.09.2017.godine**

Na osnovu člana 132. a u vezi sa članom 124. tačka f) Zakona o zaštiti od požara i vatrogastvu („Službene novine Zeničko-dobojskog kantona“, broj: 05/11), člana 8. stav. 3. tačka 28., člana 13. stav 2. tačka 4., člana 36. i 37. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09), te na osnovu člana 24. stav 1. tačka 6. i člana 108. Statuta Općine Kakanj („Službene novine Općine Kakanj“, broj: 4/08), Općinsko vijeće, na 11. sjednici, održanoj 27.09.2017. godine, donijelo je:

**O D L U K U**

**o dopuni Odluke o naknadama za vatrogastvo**

**Član 1.**

U Odluci o naknadama za vatrogastvo („Službene novine Općine Kakanj“, broj: 6/13 i 11/14, u daljem tekstu: Odluka) u članu 2. iza stava 5. dodaje se novi stav 6. koji glasi:

**„Lica koja su registrovana za obrt i srodne djelatnosti oslobađaju se obaveze plaćanja naknade za vatrogastvo“.**

**Član 2.**

U ostalom dijelu Odluka ostaje neizmjenjena.

**Član 3.**

Ova Odluka stupa na snagu osmog (8) dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

174.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

Broj: 01/1-11-365/17.

Kakanj, 27.09.2017.godine

Na osnovu člana 62. Zakona o zaštiti i spašavanju ljudi i materijalnih dobara od prirodnih i drugih nesreća ( „Službene novine Federacije Bosne i Hercegovine“ broj: 39/03, 22/06 i 43/10 ), člana 18. stav 2. i člana 24. tačka 2. Statuta Općine Kakanj ( „Službene novine Općine Kakanj“, broj: 4/08), Općinsko vijeće Kakanj, na sjednici održanoj dana 27.09.2017. godine, donijelo je

**PROGRAM**

**izgradnje i održavanja javnih skloništa i zaklona, odnosno prilagođavanja drugih zaštitnih objekata za sklanjanje za period 2017 - 2027. godine**

**1. UVOD**

Zaštita i spašavanje ljudi i materijalnih dobara od prirodnih i drugih nesreća većih razmjera, podrazumijeva preduzimanje preventivnih i operativnih radnji i postupaka, odnosno mjera zaštite i spašavanja, među kojima značajno mjesto zauzima sklanjanje ljudi i materijalnih dobara.

U procesu planiranja i provođenja sklanjanja ljudi i materijalnih dobara, pored Zakona o zaštiti i spašavanju ljudi i materijalnih dobara ( „Službene novine Federacije BiH“ broj: 39/03, 22/06 i 43/10, u daljem tekstu: Zakon o zaštiti i spašavanju), primjenjuju se i odredbe:

- Zakona o prostornom planiranju i korištenju zemljišta Federacije Bosne i Hercegovine ( „Službene novine Federacije BiH“, broj: 2/06 ),
- Uredbe o jedinstvenoj metodologiji za izradu dokumenata prostornog uređenja ( „Službene novine Federacije BiH“, broj: 63/04 i 50/07),
- Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ( „Službene novine Federacije BiH“, broj: 21/05 i 59/07).

Sklanjanje ljudi i materijalnih dobara u slučaju prirodnih i drugih nesreća većih razmjera jedna je od osnovnih i najefikasnijih mjera zaštite i spašavanja koje se provode u okviru sistema zaštite i spašavanja. Sklanjanje, kao mjera zaštite i spašavanja provodi se kroz organizovane radnje i postupke preventivne i operativne prirode, a

odnose se na planiranje i izgradnju skloništa i drugih zaštitnih objekata, njihovo održavanje u ispravnom stanju, kao i organizovanje korištenja ovih objekata u slučaju nastanka prirodnih i drugih nesreća većih razmjera.

Preventivne radnje i postupci mirnodopske su prirode, složeni su i skupi. Međutim, u slučaju prirodnih i drugih nesreća svi propusti načinjeni tokom mirnodopskog preventivnog planiranja i izgradnje ovakvih objekata dovode do ljudskih žrtava ili nenadoknadivih materijalnih šteta.

Tokom planiranja i izgradnje, potrebno je obezbijediti da skloništa omogućavaju zaštitu ljudi i materijalnih dobara od zračnih, raketnih, topovskih, minobacačkih i drugih napada, kao i upotrebe radijacijskih, hemijskih i bioloških sredstava, te opasnosti od tehničko-tehnoloških nesreća.

Koncepcija programiranja i izgradnje dvonamjenskih objekata, koji su potrebni kako u miru tako i u eventualnom ratu i u velikim prirodnim i drugim nesrećama, ima veliko opravdanje sa stanovišta ekonomičnosti, racionalnosti i zaštite. Zato je svrsishodno da se takvi mirnodopski objekti na vrijeme projektuju, grade, prilagođavaju i održavaju, imajući u vidu njihovu mirnodopsku i funkcionalnu namjenu.

S ciljem zaštite ljudi i materijalnih dobara u slučaju prirodnih i drugih nesreća, Zakonom o zaštiti i spašavanju se reguliše:

- opća obaveza za izgradnju skloništa i drugih zaštitnih objekata, odnosno obaveze pravnih i fizičkih lica da grade skloništa ili ukoliko su iz opravdanih razloga oslobođeni gradnje skloništa da plate naknadu za izgradnju skloništa,
- način finansiranja izgradnje skloništa,
- obaveza izgradnje novih i prilagođavanje postojećih skloništa u planskim dokumentima, a u skladu sa Zakonom o prostornom planiranju i korištenju zemljišta Federacije Bosne i Hercegovine ( „Službene novine Federacije BiH“, broj: 2/06 ).

Određena pitanja planiranja izgradnje skloništa regulisana su i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ( „Službene novine Federacije BiH“, broj: 21/05 i 59/07), kojima se uređuju:

- planiranje i izgradnja skloništa,
- mjerila i kriteriji za izgradnju skloništa,
- tehnički uvjeti za izgradnju skloništa, zaklona i drugih zaštitnih objekata,
- uvjeti izgradnje, opremanje, održavanje i korištenje skloništa i drugih zaštitnih objekata,
- način prilagođavanja izgrađenih skloništa njihovoj osnovnoj namjeni i dr.

U cilju planske izgradnje skloništa i drugih zaštitnih objekata u skladu sa potrebama svakog grada i drugog većeg naseljenog mjesta u kojima se moraju izgrađivati ti objekti, članom 50. stav 6. Zakona o zaštiti i spašavanju, utvrđena je obaveza da se potrebe za skloništim i drugim zaštitnim objektima planiraju u dokumentima prostornog uređenja.

To znači da se u tim dokumentima vrši i sljedeće planiranje:

- za skloništa se određuju stambeni i drugi objekti ( poslovni objekti ) u kojima se trebaju graditi skloništa i određuju se mjesta za izgradnju javnih skloništa. Te potrebe planiraju se prema razmještanju stanovništva, industrijskih i drugih objekata i procjenjuje prostor sa kojeg bi ljudi mogli koristiti pojedina skloništa. U skladu sa razmještanjem stanovništva i mogućim korisnicima skloništa, određuju se i kapaciteti pojedinih javnih skloništa kao i kapaciteti za skloništa u objektima pravnih lica,

- kada se radi o zaštitnim objektima, u dokumentima prostornog uređenja određuju se stambene i druge zgrade, čiji se podrumi i drugi prostori mogu prilagoditi sklanjanju ljudi i materijalnih dobara kao zaštitni objekti. Ovdje se u obzir uzimaju već izgrađene stambene i druge zgrade a i zgrade koje će se graditi.

To planiranje predstavlja uslov za izgradnju skloništa i zaštitnih objekata, pa je neophodno da se te potrebe iskažu u dokumentima prostornog uređenja jer tada i nastaje obaveza izgradnje skloništa i zaštitnih objekata.

Iskustva u planiranju i izgradnji skloništa koja su primjenjivana u skladu sa ranijom zakonskom regulativom, bila su razlog da se odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ( „Službene novine Federacije BiH“, broj: 21/05 i 59/07) značajno smanji stepen zaštite za skloništa osnovne i dopunske zaštite.

Prema odredbama pomenute Uredbe, stepen zaštite u skloništim osnovne zaštite ograničava se na 50 do 100 kPa nadpritiska, dok je u skloništim dopunske zaštite ograničen do 50 kPa nadpritiska.

Izgradnja skloništa sa ovakvim zaštitnim osobinama znatno pojeftinjuje gradnju a istovremeno odgovara optimalnom stepenu zaštite ljudi i materijalnih dobara.

Sredstva za izgradnju i održavanje javnih skloništa kao i za prilagođavanje drugih zaštitnih objekata za sklanjanje ljudi i materijalnih dobara, osiguravaju se iz:

- naknada investitora koji su oslobođeni gradnje skloništa,

- sredstava ostvarenih po osnovu naknade za izdavanje skloništa u zakup u miru, i

- sredstava koja se planiraju u budžetu Općine. Investitor koji bude oslobođen obaveze izgradnje skloništa, odnosno zaklona ili koji nije izgradio sklonište odnosno zaklon u skladu sa rješenjem o dozvoli gradnje, obavezan je platiti naknadu za izgradnju skloništa u iznosu od 1 % od ukupne vrijednosti građevinskog dijela objekta i unutrašnjih instalacija.

U vrijednost građevinskog dijela objekta ne uračunava se oprema i namještaj kao ni troškovi za uređenje građevinskog zemljišta koje služi za redovnu upotrebu objekta, privremeni objekti izvođača koji su služili prilikom izgradnje i svi drugi uređaji i oprema koji ne čine sastavni dio stambene odnosno poslovne zgrade.

Oslobođeni investitor, sredstva u iznosu od 1 % uplaćuje na poseban, transakcijski račun za izgradnju i održavanje javnih skloništa.

Služba za finansije ima otvoren transakcijski račun „ Prihodi za izgradnju i održavanje javnih skloništa“, kod Bosna Bank International d.d. Sarajevo, filijala Kakanj.

Sredstva prikupljena po ovom osnovu služe isključivo za izgradnju i održavanje skloništa i zaklona kao i za kapitalne investicije po kojima je predviđena izgradnja skloništa osnovne zaštite.

To su strogo namjenska sredstva i mogu se koristiti isključivo za navedene namjene.

Dakle, od kada je otvoren poseban račun na koji se uplaćuju sredstva namijenjena za skloništa, stvoreni su preduslovi za akumuliranje namjenskih sredstava, namjensko trošenje sredstava te da se neutrošena sredstva na kraju godine prenose kao prihod za narednu godinu.

Ukupno stanje računa sa 31.07.2017 godine iznosi: 83.910,73 KM.

## 2. STANJE SKLONIŠTA, ZAKLONA I DRUGIH OBJEKATA POGODNIH ZA SKLANJANJE

### a) JAVNA SKLONIŠTA

Javna skloništa su posebni objekti namijenjeni za sklanjanje ljudi, koja se grade samo u gradovima i drugim većim naseljenim mjestima. Ta skloništa se grade na mjestima gdje se stalno okuplja veći broj ljudi, kao što su autobuske i željezničke stanice, sportski centri i sl.

U cilju zaštite i spašavanja ljudi i materijalnih dobara od prirodnih i ljudskim djelovanjem izazvanih nepogoda i katastrofa i neposredne ratne opasnosti, na području općine Kakanj postoje odgovarajući prostori (Tabela 1.), koji se mogu koristiti kao javna skloništa. Navedeni prostori ne ispunjavaju sve tehničko-

tehnološke uslove shodno zakonskoj legislativi ali se u slučaju potrebe mogu brzo prilagoditi u svrhu zaštite ljudi i materijalnih dobara.

Javna skloništa, u mirnodopska vremena mogu biti pretvorena u dječije igraonice, teretane, internet kafee, streljane, kuglane, umjetničke radionice, parkinzi itd.

Skloništa se u miru mogu izdavati u zakup pod sljedećim uslovima:

- a) zakupac ne smije vršiti adaptacije skloništa koje bi uticale ili bi mogle uticati na promjenu njihove osnovne namjene i smanjenje zaštitne moći kao i za namjene drugih prostorija u zgradi,
- b) sklonište se ne smije koristiti u svrhe kojim bi se pogoršali higijensko-tehnički uslovi skloništa,
- c) u skloništu se ne smiju čuvati radioaktivne, zapaljive ili druge opasne materije štetne po život i zdravlje ljudi ili zagađenje okoliša,
- d) korištenjem skloništa se ne smije narušavati kućni red,
- e) u slučaju neposredne ratne opasnosti ili rata, skloništa se moraju odmah, bez odgode a najkasnije u roku od 24 sata isprazniti i osposobiti za sklanjanje ljudi i materijalnih dobara,
- f) zakupac je dužan na zahtjev nadležnog organa civilne zaštite, omogućiti ovlaštenom licu civilne zaštite obavljanje inspeksijskog nadzora skloništa
- g) skloništa se ne smiju davati u podzakup.

Tabela 1.

**JAVNA SKLONIŠTA**

r. br	NAZIV OBJEKTA	ADRESA	POVRŠINA (m <sup>2</sup> )	KAPACITET
1	RE-AL CENTAR TC KAKANJ	UL. ALIJE IZETBEGOVIĆA	572	286
2	OPĆINA KAKANJ	UL. BRANILACA	1184	592
3	JU KSC KAKANJ	UL. ŠEHIDA	106	53
4	STAMBENO-POSLOVNA ZGRADA LAMELA 04, 05, 06	UL. ALIJE IZETBEGOVIĆA	965	482

**b) SKLONIŠTA OSNOVNE I DOPUNSKA ZAŠTITE I DRUGI ZAŠTITNI OBJEKTI**

Na području općine Kakanj postoje četiri skloništa osnovne zaštite. Prvo sklonište je smješteno u suterenskom dijelu TC RE-AL Centar Kakanj.

Ovo sklonište ne ispunjava tehničko-tehnološke uslove shodno zakonskoj legislativi ali se u slučaju potrebe može brzo prilagoditi u svrhu zaštite ljudi i materijalnih dobara.

Naime, ovo sklonište se koristi kao garaža.

Suterenske prostorije Općine Kakanj (garaža), ispunjavaju većinu tehničkih uslova koja moraju

ispunjavati osnovna skloništa, ali je potrebno da se prostor dodatno prilagodi kako bi ispunjavao uslove u potpunosti.

U JU KSC Kakanj, prostorije predviđene za sklonište nisu prilagođene funkciji kojoj su namijenjene a iste se koriste za potrebe KUD „Dikan“.

Suterenske prostorije stambeno - poslovne zgrade Lamela 04, 05 i 06 ( garaža) djelimično zadovoljavaju tehničke uslove za eventualno sklanjanje ljudi i materijalnih dobara.

Naime, ta skloništa uglavnom služe za druge potrebe, ali smatramo da bi se u slučaju ukazane potrebe a po naredbi Općinskog štaba civilne zaštite, relativno brzo mogla staviti u funkciju.

Kada je riječ o dopunskim skloništima, njihov raspored je tabelarno prikazan u nastavku a odnosi se na mjesna područja Doboj, Kakanj I, Kakanj II, naselje TE

Tabela 2.

**SKLONIŠTA PO MJESNIM PODRUČJIMA**

Redni .broj	Mjesno područje	Broj stanovnika (2013 g)	Kapacitet za sklanjanje ljudi u zgradama	Vrsta, broj i kapacitet skloništa	
				Osnovne zaštite	Dopunske zaštite
1.	DOBOJ	2.582	235	-	4 / 235
2.	KAKANJ I	6.764	2846	4 / 1413	82 / 2846
3.	KAKANJ II	3.060	1965	-	21 / 1965
4.	ASELJE TE KAKANJ	689	624	-	11 / 624
5.	POVEZICE	604	86	-	1 / 86
6.	VARDA	3.274	177	-	4 / 177
	<b>UKUPNO:</b>	<b>16.973</b>	<b>15.279</b>	<b>1413</b>	<b>5.933</b>

Podaci preuzeti iz arhive Službe za opću upravu, radne i zajedničke poslove, lokalnu samoupravu i mjesne zajednice Općine Kakanj.

Tabela 2. predstavlja dominantno podrumске i druge prostore u stambenim objektima kolektivnog stanovanja koji su u relativno lošem stanju sa aspekta provođenja mjere zaštite i spašavanja „Sklanjanje ljudi i materijalnih dobara“,shodno zakonskoj legislativi zaštite i spašavanja.

Ovi objekti se po naredbi Općinskog štaba civilne zaštite mogu prilagoditi za potrebe sklanjanja.

U ostalom dijelu područja općine Kakanj postoji veliki broj objekata individualne stambene

gradnje gdje u većini tih objekata postoje prostorije koje se mogu koristiti kao drugi zaštitni objekti, odnosno, zakloni.

### 3. PROGRAMSKI ZADACI

Središte Općine ( centar grada ) je najgušće naseljeno stanovništvom, gdje su smješteni administrativni, željeznički, autobuski, kulturni, sportski, trgovinski, ugostiteljski i drugi objekti, gdje se svakog dana okuplja veliki broj građana koji ne stanuju u centru grada, nego su zbog zadovoljavanja različitih potreba pristigli iz udaljenijih naseljenih mjesta Općine.

Za sve ljude koji se tokom dana ili noći nalaze u centru grada, potrebno je obezbijediti sklonišni prostor. Iskustva pokazuju da je optimalno rješenje u gradskim jezgrima i većim naseljenim mjestima izgradnja javnih skloništa koja mogu poslužiti kao javne garaže odnosno parkinzi, streljane, kuglane i sl., jer se kroz njihovo iznajmljivanje vrši relativno brzo povrat sredstava a s druge strane rješava problem parkiranja.

#### a) EVIDENCIJA SKLONIŠTA OSNOVNE I DOPUNSKE ZAŠTITE I DRUGIH ZAŠTITNIH OBJEKATA

U programskom periodu 2017-2027.godina, neophodno je uspostaviti kvalitetnu evidenciju skloništa a kao prvi korak u smjeru uspostavljanja kompletne evidencije, neophodno je:

- snimati kompletno stanje sklonišnog prostora na području Općine,
- utvrđivati broj skloništa,
- razmještaj skloništa,
- gabarite skloništa,
- ukupne kapaciteta smještaja i sl.
- evidencija pećina i drugih prirodnih formi koji se mogu koristiti kao zaštitni objekti.

#### b) IZGRADNJA JAVNIH SKLONIŠTA

Obzirom na predviđanje širenja gradske jezgre i rast populacije na području Općine, postoji realna opravdanost za daljnjom izgradnjom javnih skloništa kako bi se zadovoljile potrebe sklanjanja ljudi prema uslovima predviđenim u Zakonu o zaštiti i spašavanju.

#### c) FINANSIRANJE IZGRADNJE, ODRŽAVANJA I PRILAGOĐAVANJA SKLONIŠTA

Za potrebe realizacije ovog Programa u toku planskog perioda 2017-2027. godina, svake godine sa namjenskog računa za skloništa, može se izdvojiti:

- a) 5 % godišnje od prikupljenih sredstava i akumuliranih iz predhodnog perioda za prilagođavanja drugih zaštitnih objekata za sklanjanje
- b) 95 % godišnje prikupljenih sredstava i akumuliranih iz predhodnog perioda za izgradnju i održavanja skloništa i zaklona

#### d) ZAVRŠNE ODREDBE

Služba civilne zaštite će donositi Godišnje Planove izgradnje i održavanja javnih skloništa i zaklona, odnosno prilagođavanje drugih zaštitnih objekata za sklanjanje u okviru programskog perioda 2017-2027.godine.

Za praćenje realizacije Programa izgradnje i održavanja javnih skloništa i zaklona, odnosno prilagođavanje drugih zaštitnih objekata za sklanjanje, zadužuje se Služba civilne zaštite Općine Kakanj kao i resorna Služba iz oblasti prostornog planiranja Općine Kakanj za planiranje dijela svoje planske dokumentacije koja sadrži prilog iz oblasti skloništa i zaklona kao i Služba za finansije u dijelu praćenja evidencije priliva i utroška sredstava sa namjenskog računa.

Ovaj Program, stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Slaven Katičić, sr.

175.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

**Broj: 01/1-11-366/17.**

**Kakanj, 27.09.2017.godine**

Na osnovu člana 62. Zakona o zaštiti i spašavanju ljudi i materijalnih dobara od prirodnih i drugih nesreća ( „Službene novine Federacije Bosne i Hercegovine“ broj: 39/03, 22/06 i 43/10 ), člana 18. stav 2. i člana 24. tačka 2. Statuta Općine Kakanj („Službene novine Općine Kakanj“, broj: 4/08 ), Općinsko vijeće Kakanj na 11. sjednici održanoj dana 27.09.2017. godine, donijelo je

#### **O D L U K U**

**o usvajanju Godišnjeg plana  
za izgradnju i održavanje javnih skloništa i  
zaklona u 2017.godini**

I

Planirana sredstva u 2017.godini iznose 83.910,73 KM.

## II

Prikupljena sredstva će se koristiti za sljedeće namjene:

1.	ZA IZGRADNJU I ODRŽAVANJE SKLONIŠTA (OPĆINA KAKANJ)	79.715,19 KM
2.	ZA PRILAGOĐAVANJE DRUGIH ZAŠTITNIH OBJEKATA ZA SKLANJANJE	4.195,54 KM

## III

Ovaj Odluka stupa na snagu danom donošenja i objavit će se u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Slaven Katičić, sr.

176.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

**Općinsko vijeće**

Broj: 01/1-11-362/17.

Kakanj, 27.09.2017.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09) i člana 24. Statuta Općine Kakanj („Službene novine Općine Kakanj“, broj: 4/08), a u vezi sa članom 32. Odluke o izvršavanju Budžeta Općine Kakanj za 2017. godinu, broj: 01/1-3-367/16 od 28.12.2016. godine („Službene novine Općine Kakanj“, broj: 02/17), Općinsko vijeće na 11. sjednici, održanoj dana 27.09.2017. godine, donijelo je

**O D L U K U**

**o izmjenama i dopunama Programa utroška sredstava iz Budžeta Općine Kakanj za podsticaje u poljoprivredi za 2017.godinu**

**Član 1.**

U Programu utroška sredstava iz Budžeta Općine Kakanj za podsticaje u poljoprivredi za 2017. godinu („Službene novine Općine Kakanj“, broj: 4/17) u stavu B „Kapitalna ulaganja u poljoprivredi, mijenja se iznos podsticajnih sredstava planiranih na poziciji B/1 „Refundacija troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju srodne djelatnosti – poljoprivreda (osnovna djelatnost)“ i poziciji B/2. „Proširenje proizvodnje u oblasti poljoprivrede“ , kako slijedi:

R/b	Naziv podsticaja	Iznos sredstava u KM
B/1.	„Refundacija troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju srodne djelatnosti – poljoprivreda (osnovna djelatnost)“	50.000,00
B/2.	„Proširenje proizvodnje u oblasti poljoprivrede“	5.000,00

Iznos sredstava koji je umanjeno sa gore navedenih pozicija dodaje se na iznos sredstava na pozicijama kako slijedi:

R/b	Naziv podsticaja	Iznos sredstava u KM
A/1.1.	Proizvodnja svježeg kravljeg mlijeka za IV kvartal 2016.godine, I, II i III kvartal 2017.godine	58.000,00
A/2.1.	Podsticaj za plasteničku i stakleničku proizvodnju	17.500,00
A/2.2.	Sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva (proljetna i jesenska obrada)	29.000,00
B/3.2.	Podsticaj u oblasti jagodičastog voća	45.000,00
B/4.	Podsticaj za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi	70.000,00
B/11.	Rezervna sredstva	16.200,00

**Član 2.**

U preostalom dijelu Program utroška sredstava iz Budžeta Općine Kakanj za podsticaje u poljoprivredi za 2017. godinu ostaje neizmjenjen.

**Član 3.**

Ova Odluka stupa na snagu danom donošenja, a ista će biti objavljena u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Slaven Katičić, sr.

177.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

Općinsko vijeće

Broj: 01/1-11-367/17.

Kakanj, 27.09.2017.godine

Na osnovu člana 5. Zakona o javnim preduzećima u Federaciji Bosne i Hercegovine („Službene novine F BiH“, broj: 8/05, 81/08, 22/09 i 109/12), člana 4. Zakona o ministraskim, vladinim i drugim imenovanjima F BiH („Službene novine F BiH“, broj: 12/03, 34/03 i 65/13), člana 228. i 303. stav 1. Zakona o privrednim društvima („Službene novine F BiH“ 81/15), člana 24. Statuta Općine Kakanj („Službene novine Općine Kakanj“, broj: 4/08) i i člana 42. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16) Općinsko vijeće na 11. sjednici održanoj 27.09.2017. godine donijelo je

**RJEŠENJE**

**o imenovanju Skupštine JP „Grijanje“ d.o.o.  
Kakanj na privremeni period na najviše tri (3)  
mjeseca**

**Član 1.**

Za članove Skupštine JP „Grijanje“ d.o.o. Kakanj na privremeni period na najviše tri (3) mjeseca imenuju se:

1. Mahir Neimarlija, član
2. Elmir Škulj, član
3. Jasenko Beus, član

**Član 2.**

Mandat članovima Skupštine imenovane na privremeni period na najviše tri mjeseca ističe konačnim imenovanjem Skupštine po završetku procedure izbora.

**Član 3.**

Ovo Rješenje stupa na snagu danom donošenja a primjenjivat će se od 03.10.2017.godine.

Navedeno Rješenje će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.

178.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

Općinsko vijeće

Broj: 01/1-11-368/17.

Kakanj, 27.09.2017.godine

Na osnovu člana 5. Zakona o javnim preduzećima u Federaciji Bosne i Hercegovine („Službene novine F BiH“, broj: 8/05, 81/08, 22/09 i 109/12), člana 4. Zakona o ministraskim, vladinim i drugim imenovanjima F BiH („Službene novine F BiH“, broj: 12/03, 34/03 i 65/13), člana 228. i 303. stav 1. Zakona o privrednim društvima („Službene novine F BiH“ 81/15), člana 24. Statuta Općine Kakanj („Službene novine Općine Kakanj“, broj: 4/08) i i člana 42. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16) Općinsko vijeće na 11. sjednici održanoj 27.09.2017. godine donijelo je

**RJEŠENJE**

**o imenovanju Skupštine JP „Vodokom“ d.o.o.  
Kakanj na privremeni period na najviše tri (3)  
mjeseca**

**Član 1.**

Za članove Skupštine JP „Vodokom“ d.o.o. Kakanj na privremeni period na najviše tri (3) mjeseca imenuju se:

1. Fahrudin Topalović, član
2. Aida Silajdžić, član
3. Magbula Ganić, član
4. Adnan Husika, član
5. Nataša Šarić, član

**Član 2.**

Mandat članovima Skupštine imenovane na privremeni period na najviše tri mjeseca ističe konačnim imenovanjem Skupštine po završetku procedure izbora.

**Član 3.**

Ovo Rješenje stupa na snagu danom donošenja a primjenjivat će se od 03.10.2017.godine.

Navedeno Rješenje će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Slaven Katičić, sr.



179.  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-11-369/17.**  
**Kakanj, 27.09.2017.godine**

Na osnovu člana 39. stav (3) Zakona o predškolskom odgoju i obrazovanju („Službene novine Zeničko-dobojskog kantona“, broj: 7/10) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 11. sjednici održanoj 27.09.2017. godine, donijelo je

### **R J E Š E N J E**

**o imenovanju Konkursne komisije za konačno imenovanje Upravnog odbora JU za predškolski odgoj i obrazovanje „Mladost“ Kakanj**

#### **Član 1.**

U Konkursnu komisiju za provođenje postupka za konačno imenovanje članova Upravnog odbora Javne ustanove za predškolski odgoj i obrazovanje „Mladost“ Kakanj, imenuju se:

1. Elvedin Mamela, predsjednik – predstavnik osnivača
2. Haša Hadžić – Vehab, član – predstavnik Vijeća roditelja
3. Aida Hasagić, član – predstavnik Javne ustanove

#### **Član 2.**

Zadatak Konkursne komisije je da u skladu sa Zakonom o predškolskom odgoju i obrazovanju i Pravilima JU za predškolski odgoj i obrazovanje „Mladost“ Kakanj raspiše konkurs, provede proceduru i predloži Općinskom vijeću prijedlog kandidata za konačno imenovanje Upravnog odbora JU „Mladost“ Kakanj.

#### **Član 3.**

Ovo Rješenje stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI**  
**OPĆINSKOG VIJEĆA**  
 Slaven Katičić, sr.

180.  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-11-370/17.**  
**Kakanj, 27.09.2017.godine**

Na osnovu člana 4. Zakona o ministarskim, vladinim i drugim imenovanjima u Federaciji Bosne i Hercegovine („Službene novine F BiH“, broj: 12/03,34/03 i 65/13), člana 42. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 11. sjednici održanoj 27.09.2017. godine, donijelo je

### **R J E Š E N J E**

**o imenovanju Upravnog odbora JU za predškolski odgoj i obrazovanje „Mladost“ Kakanj na privremeni period na najviše 3 mjeseca**

#### **Član 1.**

U Upravni odbor Javne ustanove za predškolski odgoj i obrazovanje „Mladost“ Kakanj na privremeni period na najviše tri(3) mjeseca imenuju se:

1. Mirsada Čaluk, predsjednik
2. Sanda Bloudek, član i
3. Elzana Karahodžić, član.

#### **Član 2.**

Mandatni period članova Upravnog odbora JU za predškolski odgoj i obrazovanje „Mladost“ Kakanj imenovanih na privremeni period na najviše tri mjeseca ističe konačnim imenovanjem UO po završetku procedure izbora.

#### **Član 3.**

Ovo Rješenje stupa na snagu danom donošenja a primjenjivat će se od 03.10.2017.godine.

Navedeno Rješenje će se objaviti u „Službenim novinama Općine Kakanj“.

**PREDSJEDAVALAČI**  
**OPĆINSKOG VIJEĆA**  
 Slaven Katičić, sr.

181.  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-11-371/17.**  
**Kakanj, 27.09.2017.godine**

Na osnovu člana 64. stav. 8. Zakona o zdravstvenoj zaštiti („Službene novine Federacije BiH“, broj: 46/10 i 75/13), člana 12. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13), člana 5. Odluke o kriterijima za imenovanje Upravnog odbora JU „Dom zdravlja“ Kakanj čiji je osnivač Općinsko vijeće, broj: 0-01/1-11/13 od 30.01.2013. godine („Službene novine Općine Kakanj“, broj: 2/13) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 11. sjednici održanoj 27.09.2017. godine, donijelo je

### **R J E Š E N J E**

**o konačnom imenovanju dva člana Upravnog odbora JU „Dom zdravlja“ Kakanj**

#### **Član 1.**

Za članove Upravnog odbora JU „Dom zdravlja“ Kakanj imenuju se:

1. Nisvet Trako, predsjednik – predstavnik osnivača,
2. Esmir Brodlija, član – predstavnik stručnih radnika JU „Dom zdravlja“ Kakanj.

#### **Član 2.**

Članovi Upravnog odbora imenuju se na mandatni period u trajanju od četiri (4) godine, počev od dana stupanja na snagu ovog Rješenja.

#### **Član 3.**

Ovo Rješenje stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Slaven Katičić, sr.

182.  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinsko vijeće**  
**Broj: 01/1-11-372/17.**  
**Kakanj, 27.09.2017.godine**

Na osnovu člana 64.stav 8. Zakona o zdravstvenoj zaštiti („Službene novine Federacije BiH“, broj 46/10 i 75/13), člana 4.Zakona o ministarskim, vladinim i drugim imenovanjima („Službene novine Federacije BiH“, broj:12/03, 34/03 i 65/13) i člana 24. Statuta Općine Kakanj („Službene novine Općine Kakanj“, broj 04/08), Općinsko vijeće na 11.sjednici, održanoj 27.09.2017.godine, donijelo je

### **R J E Š E N J E**

**o privremenom imenovanju člana Upravnog odbora JU „Dom zdravlja“ Kakanj na najviše tri (3) mjeseca**

#### **Član 1.**

Za privremenog člana Upravnog odbora JU „Dom zdravlja“ Kakanj imenuje se:

**Salih Hasagić**–predstavnik Ministarstva zdravstva ZE-DO kantona.

#### **Član 2.**

Član Upravnog odbora imenuje se na mandatni period na najviše tri mjeseca, počev od dana donošenja ovog Rješenja.

#### **Član 3.**

Ovo Rješenje stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Slaven Katičić, sr.

183.  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO - DOBOJSKI KANTON**  
**OPĆINA KAKANJ**  
**Općinski načelnik**  
**Broj: 02/1-5133/2017**  
**Kakanj, 29.08.2017. godine**

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i

51/09), člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), te člana 38. i 118. Statuta Općine Kakanj („Službene novine Općine Kakanj“, broj: 4/08), a u vezi sa članom 10. stav 1. tačka 4. Zakona o udruženjima i fondacijama („Službene novine Federacije BiH“, broj: 45/02), Općinski načelnik d o n o s i

### **O D L U K U**

**o davanju odobrenja Udruženju potrošača  
„Potrošač“ Kakanj za korištenje naziva  
"općina Kakanj"**

#### **I**

Daje se odobrenje Udruženju potrošača „POTROŠAČ“ Kakanj, da u postupku registracije u naziv Udruženja unese naziv općine Kakanj, tako da naziv Udruženja glasi: Udruženje potrošača općine Kakanj „Potrošač“ Kakanj.

#### **II**

Ova Odluka stupa na snagu danom donošenja i biće objavljena u „Službenim novinama Općine Kakanj“.

**OPĆINSKI NAČELNIK**  
Nermin Mandra, sr.

---

## S A D R Ž A J

### „Službenih novina Općine Kakanj“ 12/17

170. Odluka o utvrđivanju javnog interesa u svrhu prelaska cjevovoda preko rijeke Bosne u okviru projekta „Rkonstrukcija vodovoda Lučani“ .....	1
171. Odluka o usvajanju Izvještaja o izvršenju Budžeta Općine Kakanj za period 01.01-30.06.2017.godine .....	1
172. Odluka o usvajanju Izvještaja o izvršenju tekuće budžetske rezerve Budžeta Općine Kakanj za period 01.01-30.06.2017.godine .....	2
173. Odluka o dopuni Odluke o naknadama za vatrogastvo .....	2
174. Program izgradnje i održavanja javnih skloništa i zakloona, odnosno prilagođavanja drugih zaštitnih objekata za sklanjanje za period 2017-2027.godine .....	3
175. Odluka o usvajanju Godišnjeg plana za izgradnju i održavanje javnih skloništa i zaklona u 2017.godini .....	6
176. Odluka o izmjenama i dopunama Programa utroška sredstava iz Budžeta Općine Kakanj za podsticaje u poljoprivredi za 2017.godinu .....	7
177. Rješenje o imenovanju Skupštine JP „Grijanje“ doo Kakanj na privremeni period .....	8
178. Rješenje o imenovanju Skupštine JP „Vodokom“ doo Kakanj na privremeni period .....	8
179. Rješenje o imenovanju Konkursne komisije za konačno imenovanje UO JU „Mladost“ .....	9
180. Rješenje o imenovanju UO JU „Mladost“ na privremeni period .....	9
181. Rješenje o konačnom imenovanju dva člana UO JU „Dom zdravlja“ Kakanj, .....	10
182. Rješenje o privremenom imenovanju člana UO JU „Dom zdravlja“ Kakanj.....	10
183. Odluka o davanju odobrenja Udruženju podreošača „Potrošač“ za korištenje naziva „općina Kakanj“ .....	11